

EPISTOLA GRATVLATORIA
QVA
FATA DOCTRINAE
TEMPERAMENTO-
RVM

EXPONIT, ET
PERDILECTO AFFINI SUO
DN. JOANNI ANDREAE WENDT
MEDICINAE CANDIDATO DIGNISSIMO

OB
LAVREAM DOCTORALEM
RITE ACQVIRENDAM,

DVM
SPECIMINE INAUGURALI
MVTATIONEM TEMPE-
RAMENTI,

SOLEMNI DISPUTATORIO ACTV VENTILANDAM
SISTIT

ANIMITUS APPLAUDIT
D. MICHAEL ALBERTI,
PROF. PVBL. EXTR.

HALÆ MAGDEBURGICÆ,
Litteris CHRISTIANI HENCKELII, Acad. Typ. 1712.

THE UNIVERSITY OF CHICAGO

LIBRARY

OF THE

PHYSICS

DEPARTMENT

CHICAGO, ILL.

1911

1911

1911

1911

1911

1911

1911

THE UNIVERSITY OF CHICAGO

LIBRARY

OF THE

PHYSICS

DEPARTMENT



PERDILECTO AFFINI SUO
MEDICINÆ CANDIDATO DIGNISSIMO
D. MICHAEL ALBERTI.

ΕΠΙΤΥΧΙΑΝ.



Uemadmodum omne in initiis suis imperfectum esse credunt Philoſophi, ita illud etiam de ſcientiis valere, ipſa attenta obſervatio comprobât; neque in eo veteres ſolertiores culpandos eſſe iudico, quamuis æq; ex lumine ſanæ rationis res indies obvias meliori acumine perſpicere, firmitus connectere, & per ſolidiores cauſſas deducere potuiſſent: vix tamen adeo perfectum eſſe hominis animum, ut non ex erroribus aliorum recta videre, recta agere, & recte connectere diſcat, modo non illa labes in poſteritate adhuc occurrat, ut priſca commenta non ultro commendet, veteres errores iteratò defendat, maioraque errorum præcipitia indies ſtruat; quamuis ad Ciceronis eſſatum *ad maiorum ſapientiam multi peruenire potuiſſent, niſi eo iam perueniſſe putaffent.* Attinent hæc etiam

a 2

doctri-

doctrinam *temperamentorum*, quæ neque in initiis suis sufficienter exculta aut perfecta, sed quod magis dolendum est, passim inter posteros peruersa & distracta est, ut propterea merito, eandem varia opprobria offendant, quasi dubia, incerta, & fallax sit notitia. Placuit propterea *Fara* hujus doctrinæ breuissimè recensere, insuperque securam viam præmonstrare, qua ad veriora & certiora aditus commodus patere possit. Quantum in hac doctrina veteres Philosophi occupati fuerint & quantum profecerint abunde iam liquet, ita ut Philosophiæ *Hebraicæ*, *Græcanicæ*, *Indicæ*, *Barbaricæ* Dictatores & Sectatores, uberrimam illius mentionem faciant, omissis illis traditionibus & figmentis, quæ in *Cabala* de Philosophia *Mosaica* proferri solent, quasi quaternarius numerus temperamentorum iam in Paradiso ex quatuor eiusdem fluuiis emanauerit. Constat interim abunde, quomodo antiquissimi Philosophi huic doctrinæ indulserint, non modo per experientiam confirmandæ, sed & per causas commonstrandæ & explicandæ; hinc de *Socrate* ferunt historiæ, quod egregius ille Philosophus accurate ex externo hominum conspectu, affectus animi, seu mores prædicere nouerit, & illos, quos bonæ frugis hominis esse iudicauit, allocutus fuerit: *dignus es, ut Philosophiam discas*. Abunde vero etiam liquet, in quantum defecerint prisca hi Philosophi in explicanda & per causas rationabiles deducenda hac doctrina; unde principes hujus Theoriæ per elementa hanc rem explicare vix ullus est, qui ex historia Philosophica inuenire nequeat: quam sententiam inprimis *Plato*, *Philo Iudæus*, *Tales Milesius*, ipse *Pythagoras* ejusque discipulus *Ocellus Lucanus* nec non *Empedocles* variis locis exposuerunt; qui vero cum in certo numero elementorum hæsitauerint, totum negotium per mirificas confusiones distraxerunt, ita ut *Thales* aquam, *Hippasus* ignem, *Pbrecides Syrus* terram, *Oenopydes*

pides Chyus ignem & terram simul pro summo tempera-
 mentorum elemento agnouerint, donec ex *Democritea* &
Epicurea secta infinitates atomorum accesserunt, quæ sin-
 gulæ vero persuasiones nonnisi generalissimum conceptum,
 sed eo ipso indistinctum sensum præbuere. Quam anxios
 vero detinuerint Philosophos tales defectus notitiæ elemen-
 torum, seu materialium illarum essentiarum, ita postero-
 res quidam, defectum hunc agnoscentes & emendantes,
 fundamentum in quatuor cardinalibus qualitatibus stricti-
 us & pressius inquisiuerunt, tanto magis circa tempora
 & proxime post, florentis Philosophiæ & sectæ Peripate-
 ticæ, ubi quaternio elementorum inclarescere cœpit, hanc
 seriẽm qualitatũ elementarium, calidi & frigidi, humidi
 & sicci, imposuerunt etiam doctrinæ temperamentorum.
 Adeo ut prisci etiam medici *Hippocrates* & longe post il-
 lum *Galenus* de temperamento calido, frigido, humido,
 sicco & ex hisce qualitatibus vario modo temperato & mix-
 to, multa professi sint. Liquet vero etiam, quod ante
Philonem Iudeum, tempore *Hippocratis* hæc qualitatũ
 theoria agnita sit, quæ tamen post hos magis propagata,
 & pro pragmatico dogmate aucta & exposita est, ab hinc
 neglexerunt materias agnoscendas, & circa qualitates hæc
 magis prolixi fuerunt, ubique vero defecit solida ratio,
 unde & cur unum, temperamentum sit calidum, alterum
 frigidum, aliud humidum, quoddam siccum; propterea-
 que substitit illis temporibus hæc doctrina in crassissima
 simplicitate: Utut vero fieri solet si confusa dogmata or-
 dinanda & corrigenda iudicantur, ita hac occasione etiam
 obtigit ut *Aristotelicæ* philosophiæ sectatores, metaphysi-
 cas tenebras illapsi, disceptauerint, an temperamentum sit
 accidens, an qualitas, an substantia, an transitus qualitatũ in
 nouam formam, an noua & quinta qualitas, an occulta & inau-
 dita qualitas, an effectus calidi innati, an humidi radicalis, an

miscela utrorumque? quæ singulæ vero speculationes nihil quidquam hanc antiquam Theoriam emendarunt, sed obscuriorem reddiderunt. Quid quod cum omni tempore Theoria talis multis confusionibus obsepta fuerit, solertiores vero Philosophi & ex illis præcipuè *Socrates* experientiæ in iudicandis hominum moribus inhæserint, ita *Sophistæ* quidam hoc studium, artis magicæ culpabilem æstimarunt, declamarunt & dehonestarunt. Quo ipso Socratis dexteritatem suspectam & inuidiosam reddere, sed frustra, laborarunt. Simile quidquam in recentissimis temporibus accidit, famigeratis illis Gallorum ministis *Mazarini* & *Richelieu* dictis, qui cum per missionarios ad exterarum aulæ in inquirendis & dignoscendis moribus, intentionibus & inclinationibus aduersariorum multum profecerint, ab aliis perperam rei æstumati sunt, quasi ipsis hæc notitia, a Diabolo concessa sit, cuius rei mentionem facit libellus ille *l'espion du grand Seigneur* inscriptus. Nihil vero hæc fata profecerunt, quin ultro hæc doctrina exculta fuerit; sed prout in aliis sectatores Aristotelis varia irrita imposuerunt, ita ab illis & imprimis à *Diarcho* emanavit error, ex confusa theoria Temperamentorum, quasi etiam anima hominis esset miscela quatuor elementorum eorundemque quatuor supremarum qualitatum. Fuerunt vero etiam quidam inter veteres in illa persuasione, quasi hæc doctrina temperamentorum non humanis scientiis innitatur, ne dum per studia vel physica vel alia acquiri possit, sed diuinam esse qualitatem in hominibus agnoscendi & dignoscendi temperamenta, hinc eandem *Philippo* Regi Hispanorum cælitus concessam esse, æque ac Galliæ & Angliæ regibus virtus curandi strumas per contactum cælitus dimissa est, crediderunt indeque quidam iudicarunt hanc doctrinam priuatoribus, ut aiunt, personis, neque concessam, neque acquisitu possibilem esse. Diu
vero

vero inter veteres hæsitauit Theoria qualitatatum, unde aliqui illorum hæc qualitates per uniuersum corpus & singulas illius partes extenderunt, variisque partibus varia temperamenta physica adscripserunt, ut cor calidi humidi, cerebrum frigidi humidi, hepar calidi humidi, renes frigidi humidi, ossa frigidi sicci temperamenti esse, supponant, quæ numerica temperamentorum differentia in indiuiduis, non nisi numericis implicationibus certiorē ansam præbuit: tanto magis, quum hæc multiplicatio entium præter necessitatem, neque Medicæ neque morali scientiæ ullam lucem affundat, sed potius peruersa sit illa traditio, ut secundum notitiam harum temperierum, in affectibus cor concernentibus calido-humida, in pathematibus cerebri, frigido-humida, in læsionibus ossium frigido-sicca remedia adhibenda veniant, quæ connexio lepidō illo & fallaci canone innititur, quasi simile simili gaudeat. Neque defuerunt *Astrologi* veteres in obtrudendis suis speculationibus & suppositionibus circa doctrinam Temperamentorum occupati, dum temperamenta ex constellationibus & effluuiis imo effectibus & influxibus planetarum deriuare contenderunt, cuius rei ex aliis reminiscitur *Frankenberg in gemma magica*. Euiluit vero mox hæc nudis traditionibus nullis vero demonstrationibus prædita opinio, neque umquam multum applausum vel promeruit vel obtinuit. Obtinuit vero per plurima secula famam & assensum Theoria qualitatatum circa doctrinam Temperamentorum: unde etiam *Arabes* medici & ex illis præcipue *Auicenna*, non modo passim temperamentorum mentionem fecerunt, sed & in Theoria illorum & elementorum & elementariarum qualitatatum frequenter memores reperiuntur. In quantum vero veteres in inueniendis & connectendis rationabilibus causis defecerunt, dum in nimis generalioribus conceptibus hæserunt, qui tamen negotium

gotium hoc minime condigne exhauriunt, sed semper materiam dubitandi, & ultro inquirendi ministrant, in tantum tamen in eo laudem nullo modo superficialiariam, merentur quod historiam temperamentorum maiori cum solertia & attentione & obseruauerint & commendauerint, quam multi è recentioribus; quorum varii nudis speculationibus & ut putant curiosis inuentionibus inhærentes ipsam historiam facti negligentius tractant, neque, quod tanto peius, verum rationabilem nexum commonstrant, quomodo secundum diuersitatem temperamenti corporis viui & mixti, animi etiam mores varient; pro qua re expedienda, lepidam illam & facile dixerim anilem, sed reuera fabulosam Hypothesin de spiritibus, crinibus, ut aiunt protrahunt, & miraculose applicant. Hoc etiam peculiare fatum hujus Theoriæ est, quod magis in recentioribus temporibus floret, quam antiquioribus, dum doctrina hæc per inertia illa, entia spuria & supposititia confunditur magis quam fundatur: quamuis hoc etiam sit fatum ferè generale, Hypotheses corpus animatum viuum concernens, quod si omnia in causis & rationibus describendis & reddendis deficient, tamen satellites illi pro physica pugnantes Fauni & syluestres spiritus succurrant, & asylum quoddam, nescias quomodo appellant, constituent: cum tamen consultius fuisset vel nihil dixisse & tacuisse, quam talia obtulisse quæ iustis Sarcasmis & illusionibus indigent: sed cum hæc res non illius pretii & dignitatis sit, poenitebit sane in reiiciendis illis fabulis tempus utile perdere. Hoc vero iterum ut peculiare fatum allegandum est, quod inter priscos Medicos *Erasistrates* & *Herophilus* primi ferè fuerint, qui à Theoria Philosophorum de Temperamentis secundum elementa & summas qualitates multam discefferunt & hanc doctrinam, per quatuor summos humores explicarunt cujus rei ex aliis mentionem facit *Galenus*, qui in *Libro de atra bile*

le *Plistonium*, *Praxagoram*, & *Philotimum* nominat, qui in describendis hisce humoribus multum operæ studique ad hanc doctrinam contulerunt, quo accensendus etiam est *Ephesus Ruffus*, qui peculiarem libellum de *Melancholia* conscripsit. Ex quibus in hodierna tempora, dimanavit appellatio Temperamenti sanguinei, choleric, Melancholici & Phlegmatici. Vix vero ullus alius ex veteribus inclaruit præter *Galenum*, qui ex peculiari instituto hoc lemma exposuit, quod *temperiem corporis sequantur mores animi*. Ordo vero tangit ut *Eclecticorum* etiam Philosophorum reminiscamur in hac præsentī materia: sed optandum sane esset, ut hi meliora obtulerint & in hac re meliorem ordinem seruauerint; sed quemadmodum Eclecticum studium in eo maxime occupatum deprehenditur, ut optima ex pessimis seligat, ita fieri aliter non potuit, quin ab illo miscellanea obtrudantur, tanto magis quando aliqui Eclecticorum certos sibi Dictatores selegērunt, ut *Tullius*, *Platonem*, *Plutarchus* & *Horatius Faccius Aristotelem*, unde in hac Theoria temperamentorum modo occurrunt quatuor qualitates, in quo vero hæ deficiunt, illud suppleant quatuor humores, reliquum vero & spiritus & Mechanismus, & fluidum & tubuli, cauernæ, particulæ, elateres, nifus & renifus contribuunt. Sed quanta hæc sit mixtura & stomachum & animum offendens, quilibet veritati studens facile diiudicare poterit. Quantumuis vero laudabile omnino studium & commendandus labor sit, ut in hac doctrina temperamentorum factum ipsum sincere constet, ita non sufficit, in nudo facto subsistere, sed ultro ad veras causas progredi expedit, ut innotescat, cur hæc ita fiant, propterea ex omnibus temporibus illud desiderandum adhuc substitit, ut tandem rationabilis Theoria hanc doctrinam commendet, confirmet & illustret. Destituit, quod quidem etiam non do-

lendum est, *Cartesius* hoc negotium, nisi quisquam tractatum de *passionibus animi* ad hoc negotium commendare gestiatur, quam parum vero fide dignum in hoc labore præstiterit, dum animam hominis nude passiuam in hisce actionibus declarauit, quæ tamen liberam voluntatem habet aut mala aut bona assumendi aut respuendi, ut propterea non a spiritibus illis fastidiosis impelli, subigi, coerceri, castigari debeat, hoc ipsum inquam res facilius diiudicationis est. Fecit vero hoc & omnes defectus suppleuit, Historiam seu res facti in iustum ordinem redegit, nexum harum rerum per rationabiles, partim etiam congruas mechanicas causas commonstrauit *Celeberrimus noster Dn. D. Stablius*, quam rem ex variis laudati Viri scriptis repetere tempus non permittit, sed quæ proprio studio & accurato nexu in Disputationibus de *Temperamentis*, de *Fundamentis moralitatis personalis in sanguine*, de *sanguinis temperie optima conseruanda & restauranda*, & in *Physiologia* pertractata prostat: ut propterea non nudis materialibus causis, omissis rationabilibus pensitationibus proportionum motuum ad humores & partes, nedum nudis mechanicis impulsibus, resistentiis, stimulis, elasticis grauitatibus &c. inhærere debeamus. Quibus singulis vero breuissimam delineationem horum *Fatorum* doctrinam temperamentorum prementium sistere lubuit. Qualia vero Fata circa transformationis seu mutationis Temperamenti Theoriam aduertenda sint, necessitas postulare ut breuibus etiam commonstrem; sed cum illa etiam ex recensitis fati uniuersalem Theoriam temperamentorum concernentibus profluant, merito huic labori supersedere debeo, tanto magis vero quia illa passim in præsentis Inaugurali Disputatione tacta & explicata sunt. Præbuit itaque dissertatio hæc notatu dignissimam materiam, nimirum Mutationem tempera-
menti,

menti, exhibens, mihi occasionem, ut hoc Thema quanta fieri potuit breuitate deduxerim. Tui causa hæc scripta sunt. *Perdilecte Affinis, Candidate dignissime*, cum post sexennem cursum Academicum exantlatum Honores Doctorales affectaueris: debui, uti etiam soleo aliis amicis, publico Epistolio, Tibi congratulari; fecisti quod etiam ante biennium rogavi, cum illo tempore Lauream Doctoralem ambire curæ cordique habueris, & in hoc biennio me suadente insuperque concurrente Praxeos exercitio incubuisti, ne ut hospes arduum hunc laborem ingrediaris. Maturus satis iam es ad capeffendos hosce honores, quos quidem prius Tibi conferendos ab Amplissima Facultate Medica submissee expetere potuisses; non tamen poenitebit Te tantæ moræ, cum iam in ipsa praxi quantisper exercitatus sis. Maximum vero debes diuinæ clementiæ, quæ hæctenus studiis & laboribus Tuis felicissime adstitit. Multum debes dexteritati & fidelissimæ manu-ductioni *Excellentissimi Domini Stablii Patroni nostri Deuenerandi*. Scio te numquam defuturum in reddendis humillimis gratiis diuinæ Clementiæ, & contestanda obseruantia, veneratione & quouis honoris cultu, *Excellentissimo D. D. Stablio*. Et cum Inclytam, quæ Jenæ est, Universitatem per annum visitaueris, haud ex animo amittes Fauorem *Excellentissimi Crausii Fautoris mei Deuenerandi*, neque Anatomicam Tuam Industriam haud ieiune applicatam, ab *Excellentissimo Sleuogtio* adauctam, ut scio, spones: scies vero Anatomiam non in secando & dilaniando solum, sed in prudenti discretione & applicatione occupatam esse debere, ne physicis & sterilibus solum laboribus inhærere consentias. Macte esto diuina benedictione. Perge insistere illis viis, quibus aditus patet ad perpetuam felicitatem. Enitere semper omnibus viribus, ut in omnibus studiis & laboribus Tuis diuina benedictione
frua-

fruaris; neque umquam medicum studium humanarum
solum virium opus esse, credas, sed præcipue diuinum au-
xilium assidue exores. Adsihæc clementia diuina futuris
Tuis & studiorum progressibus & frequentioribus practi-
cis exercitiis. Gratulor Tibi de honoribus Doctoralibus
excipiendis: gratulor mihi etiam si omnia votis & deside-
riis meis felicissime respondebunt. Vale. Dab. die XXIX.
Junii. Halæ Magd. A. O. R. M DCC XII.



DOMINO CANDIDATO

Ἡμετέριον τὴν πρᾶξιν

PRÆSES

Quid mihi luforia illa proponis, non est jocandi tem-
 pus. *Circumstat mors fugit vita. Adversus hæc*
aliquid me doce; fac, ut mortem non fugiam, aut vi-
ta me non fugiat. Aurea, ut solet, Senecæ verba,
 quantum non simplicis veritatis, & veræ simplici-
 tatis, animo cordato offerunt & commendant!
 Certe in propositis maxime seriis, imo necessariis, vti prorsus i-
 gnavum & inertem esse, ita temerariè, & quasi data opera negli-
 gentem, quid utrumque indicat, quam alienatæ atque alienæ men-
 tis & rationis? Sed major inest vis, Philosophi verbis, & commu-
 niter, par Apellis operibus, de quibus non dispar prudens æsti-
 mator enunciasse perhibetur, quod in illis *plus intelligatur, quam*
pingatur. Vides cum *Doctore* sermonem esse Philosopho huic;
 adversus hæc me doce, inquit. *Monet Doctorem, offert se imò*
infert atque ingerit, discipulum. Et sane *seriò; adhuc mortifera*
mecum sunt, adversum hæc doceri aeo: doce. Quid prodest totius
regionis silentium, si affectus fremunt, ait alibi: ita hic, quid prodest
 quæcunque alia, quin jocularia & luforia, discere, iisdemque va-
 care, discendis; quum tanta, imo summa necessitas, incumbat, ad-
 versus quam *doceri atque discere,* omnibus rebus anteponendum
 sit. Unde alibi non indignius monet, *omnia impedimenta dimit-*
te, & vaca bonæ menti. Quis autem non agnoscit, non magis ju-
 stam esse sollicitam hanc cupiditatem necessaria discendi; quam
 justam subesse *reprehensionem, aliena,* supervacua, imo luforia, do-
 centis. Ars Medica, quid aliud esse debet, quam solida talis do-
 ctrina, ut *vita non fugiat;* aut ad minimum *sanitas,* utpote sine
 qua, morali usu, quasi nulla est vita. Hanc qui *discere* volunt, *se-*
riò certe hoc agere, & omnes eò vires, & omne tempus, impende-
 re: qui *docere* in se suscipiunt, hoc certe agere debent, non ali-

ne dum aliena, prætermiſſis illis, aut perfunctorie tactis, avidis diſcendi animis obtrudere. Quam graviter autem, & quidem in lege, quam ad medicinam diſcendam reſpectantibus præſcribit, Hippocrates præcipit: hoc agere, his rebus inſiſtere; harum vero imperitiâ eſſe *malum theſaurum*, & *malum cimelium*, quamvis illam habentibus, & acquiſitam quaſi poſſidentibus. *Mercuraturam* bonarum *artium* Athenas, ſeu Acroateria Athenæa, pulchre nominat Cicero; in his *cimelia* illa, *theſauri* illi comparandi ſunt: non autem *mali*, quos reprobat Hippocrates; ſed *boni*, quos ipſa Lege præcipit, imò exigit. Jam pridem, pro ſcientiâ quantalibet, certè conſcientiâ tota, hoc ago, ut utriuſque partis *docentium* artem, atque *diſcentium*, *ſeriam* vigilantiam, ſerium ſtudium, obteſter; *ſerium negotium* geri, & gerendum eſſe, ad animos revocem. Non damno alia; non aſpernor in totum, aliena: nempe in illis, & pro illis, quibus à ſeveris ſcopis vacat. Illis vero, quibus hic fixus eſt terminus, illa ad quam contendant, meta, quæ totum tempus, omnes vires atque induſtriâ, ad ſe vocet, diſſuadeo, ne, quod iterum, prima ſtatim epiſtola, Seneca conqueritur, tota vita, certè academica, & diſcendo apta ætatis periodus, elabatur *aliud agentibus*. Neque hoc ſolum; ſed non tam incidit memoriæ, quam non excidit memoria, reſponſio, quam, practicus jam ab aliquot annis, medicus, inter quaſtiones ſub examine publico, à me formatas, recte retulit, ex animi mei ſententia interroganti: quid mali effectus producant ſtupia philiatrorum, quando alienis adhibentur? *ut neceſſaria*, inquit, *non diſcant*. Recte certè, virilem ætatem adeptus, & experienciâ nactus, vir, dubitabat dicere, ut *non ſatis diſcant*: *non diſcant*, ajebat. Imo non ſine cauſſa ego quoque ſoleo, non tam ſolum de *aliis* loqui; quam de *alienis*; *Alia*, in diverſum abeunt, *aliena* in adverſum. Prorſus uti Seneca *mortiferis*, *laſoria* opponit. Ita vero proſecto eſt; ita inquam comparata ſunt pleraque, imo præcipua, quæ hodie quam maxime, de Medicina, imo ad medicinam, docentur atque diſcuntur, ut non ſolum non adducant ad ſcopum animos, ſed abducant. *Mechanica* ſcientiâ, in ſuo ordine, à quonam, ejus verè perito, laude ſua atque dignitate defraudabitur? ſed *quid eſt mechanica*? certè qui per ſcientiâ *motuum* definiunt, in ſolidum ſunt, quod diſſenti-

enti-

entibus plebeja prorsus protervia adscribunt. *Imperiti. Mobilis* scientia est mechanica, non *motus*; *mobilitas* est, quæ in materiæ conueniente dispositione ad *motum* *iri*, iussit: non ipse *motus*. Vel exemplo, quod corpus recte ad subeundos *motus dispositum*, non minus est *mechanicum*, quum quiescit, & extra usum jacet; quam cum mouetur, seu motu actuatur, in actum & effectum deducitur. Unde nec effectum edit, nisi *quando* actuatur, *quatenus*, & *qua proportionem*, actuatur, & *quamdiu* actuatur. Unde non *agit*, sed *egitur*; non *mouet*, neque ipsum sese, neque aliud aliquid amplius: sed *mouetur*, primo ipsum, deinde aliud *per ipsum*. Quis vero tam rudis est, tam dispositionis, quam usus, *dentatarum* machinarum, ut non sentiat, dum in actum deducitur machina, a primis momentis *inducendi* motus, ad succedentia, non modo *tardius*, sed *impeditius* atque difficilius, procedere negotium; quam ubi semel totam machinam æqualiter *peruasit* motus: & hoc toties, gradu ad minimum sensibili, evenire, quoties ipse motus *tenor*, non intermissus plane, sed tantum remissus, est. Num non autem in oculos incurrit? non prius ad *æqualem* illam motus efficaciam, pervenire universam machinam, donec *ultima*, inter plures, rotulæ, neque semel tantum, omnes dentes pervasit motus; & tunc demum, è continuata actione, *contiguitatem* dentium, in exquisitam perpetuam quasi *continuitatem* deduxit, quæ, nihil interrupto fluxu, jugiter facere possit, quod non machinæ, sed suum est, *progredi*. Siquidem, cum *tempus* intrinseca sit affectio motus, ubi ille interrumpitur, ut motus, ita *temporis* aliqua fit jactura, tardiusque, atque difficilius, cursum suum absolvit motus: & continuationi ejus, è *continuitate mediæ*, vel usus, vel defectus, ingruit. Ad pistrinum ducendi sunt tales, ut aliquid è molitorum querimoniis colligant; quando è contiguitate dentium fallente, vitium non tantum continuationis, sed ipsius *gradus* motus, sensibus deprehensum, accusant. Daß ein schlotterich Werck, nicht nur ungleich, sondern selbst schwerer, gebe. Quid vero manifestius, quam quod dispositio mechanica, revera *immaneat* machinæ; motus aliunde *accedere* debeat; dispositio illa ne quidem sit motus *in potentia*, sed nuda *potentia ad motum*, nempe *adventitium*, qui illam & *incurrere* prius, & *percurrere* debeat. Ubi certe non mihi pudor esse de-

ber, qui dicam efflagitantibus; sed illis, quibus, ut ignota res, dicendum est, talia, quæ ad scholastica scabella pertinent, imo quod ad illa pertineant: ad *primam philosophiam*, & propemodum primas ejus *lineas*: *actio & passio, potentia & actus, ens potentia, & in potentia*: Nihil esse *absolute passivum*, cum *absolute actio* non possit esse, nisi *passio* sit compar: nihil *secundum idem* posse esse activum & passivum, sed in quantum passivum est, in tantum semper esse *absolute* tale. Falsum autem certe, quin insuper malignum, & præterea è fastu profectum, esse oporteret, si quis contendere susciperet, injuriandi animo, talium rerum ignaros, & tamen illis, & circa illas, perpetuam irrequietam litem ferentes, agitantes, & foventes, ad *primam philosophiam*, aut lites tales ipsas ad *classes scholarum trivialium*, remittendos asseverari; cum perpetuæ sit veritatis, antiquum illud: *Non pudor est non scire; sed hoc, non discere velle*: illud autem pudori esse debeat, de rebus ignotis, cum animi & verborum impotentia perversè contendere, imo altercari, & non posse quiescere. Eodem autem recidit, & profecto eodem respicit, altera, verbis magis, quam verò sensu, disceptatio; *quod Deus nihil creauerit otiosum*; adeoque nihil *pure passivum*. Quis enim, non philosophus, sed rusticus, fuerit, quin intelligat, *otiosi*, non magis consistere in *non agendo*, quam in *non patiendo*: & non minus otio *destitui*, quod *agitur*, quam quod *agit*, & contra. Quod recte Germani enunciant, *Ruhe halten, und Ruhe lassen: oder nicht Ruhe halten, und nicht Ruhe erhalten, oder erlangen*. Et, unde ergo expectanda erit extricatio illa tricarum illarum, de activitate, & passivitate, in illa, vix non absolute ficta, *ratione*; quam è distinctionibus, ex angustis *scholarum* classibus reboantibus: *secundum idem, ad idem, & eodem tempore*: & *actio & passio non sunt absolute opposita, sed relata*: & non magis unum horum non posse esse alterum, quam unum non posse esse sine altero. Fateor, pudet, sed nimio magis piget, ea esse tempora, illos esse mores, quæ flagitent, has res docere non pueros, sed senes hinc inde. Quid verò, quod tota disceptatio, nucè cassâ, algâ, imo titivillicio vilior existit. Quidquid in quæstione utilitatem promittit, vel levisimam, in eo repositum est, non *quid*, & *unde* sit, neque *qualis* in se ipso, *morus*; nec in quo *subjectio* simpliciter: sed *cur* sit, *cur* talis, nempe ad quem usum, & in quem finem. Plus dico; dum ne hoc quidem magnopere, aut certe absolute neces-

sarium

farium esse, aut sane præcipuum instituendæ quæstionis apicem absolvere, summo jure meritoque nego. Ille enim est fundus totius negotii, & quæstionis; quatenus utilis esse potest: an motus ille, & actus, qui fit in *vivis animatis* corporibus, præcipue autem *animalibus*, sit *utilis*; imo *necessarius*? & quo ordine atque typo, in fiendo aut facto, usus *fini* recto quadret & respondeat. Quis enim nescit verum scopum atque metam, quorsum infidæ & invidæ tales contradictiones, collineant quidem, sed numquam collimant. Diserte tota schola medica, sed loquacior, junior, etiam importunè, constanter declamat, *Febriles* motus universos *præternaturales* esse; adeo, ut etiam maxime in sensum incurrentes, de illorum censu, *formaliter* pro ipso morbo, ejusque *symptomatibus*, prolixè declarentur, & applicentur magis, quam expli-centur. Suboluit aliquid erroris *Campanella*, exactius; *Helmontio* obscurius; Sydenhamio ambiguum, quantum. Postquã verò non in disceptationem adductum, sed in medium prolatum & positive deductum est, quod periculo *vitalium* partiũ & actionum, quod *ipsi mixtioni* illarum dissolvendæ, a materia aliqua corruptiva impendere contingat, non possit *meliore* modo occurrì atq; consuli, quã *emotione* talis materiæ e corpore; *emotio* hæc autem non possit fieri nisi per *promotionem*: & prout emotio, juxta diuersam activitatem noxiam materiæ, *acceleranda* venit, ita etiam *promotionem* accelerandam venire: & proinde circuitum sanguinis, per *pulsus*, augendum esse, ut celerior & auctior appulsorius & transpulsorius reditus ad colatoria, pro *secretione* ad excretionem sequi possit: & tantundem augmenta hæc motuum continuanda esse, & continuari solere, donec impetratus atque perpetratus sit ille *finis*: eoque facto sponte cessare auctiorem illam commotionem: evicit tandem demonstratio, uti luculentissima, ita simplicissima, assensum: & adeo quidem exquisitum, ut e tranquilliorè consideratione natum sit assertum: non modo nihil *melius*, sed nihil *aliud*, excogitari posse, quo corpus, a nocituris atque noxiis, materiis, in illud insinuatis, liberari, iisque exonerari possit, quam *Febrem*, cum omnibus motibus illam formantibus; & vulgo directe & in se, pro ipso morbo, quin pro toto morbo, habitis atque declarari solitis. Interim ne sit mortalibus quies, aliunde turbantur animi, ut non modo *utilitas*, sed plane *veritas* huius rei, ex animis diripiatur. Esse omnino mo-

tus hos omnes, *morbidos*, principio, actu, effectu. *Eventus* solum
esse salutarem, non effectum. Omnia enim illa simpliciter, imme-
diate, directe, a *morbida materia, quæ tali*, & efficacia eius, veris
vitalibus motibus in heteroclitum ordinem extimulandis, tru-
dendis, premendis, pellendis, pari, produci, induci, deduci: neque
magis ex *accidenti*, turdum sibi exitum, quam materiam hanc sibi
exitum, & eliminationem, e possessione sua, & toto corporis com-
plexu, parare atque patrare. Putet quis, adhuc rem esse salvam; ha-
berent sibi suas contemplationes, dum in eo condescendant, quod
utiq; motus hi & progressus, sive directe, per modum *effectus*, sive
per indirectum, per modum *eventus*, *utiles* sint, imo *necessarii*: sive u-
ti hi volunt necessitate *materiæ*, sive uti res est, necessitate *finis*. Sed
revera fallitur, idq; partim a priori, e *Theoria*, Praxi non consenta-
nea: partim a posteriori e *praxi*, Theoriæ quidē huic consentanea,
sed effectū cassa atque irrita. Quod enim prius attinet, Theoria
hinc nasceretur, praxi *duobus* modis non consentanea; *primo*, quod
hoc intuitu nulli febris ullum subsidium adhiberi possit; Cum to-
tus eventus salutaris simpliciter a *morbida materia* pendeat: quæ
tanto certius effectū hunc assecutura sit, quanto magis sibi relicta
est, & sibi constat: quandoquidem ab ipsa, tota eius provocatio &
promotio ad exitum & eiectionem sui ipsius pendeat. *Secundo*,
aut, si quoddam inveniatur remedium, mediante quo, hic effectus
materiæ morbidæ, per totum corpus, & e toto corpore depulso-
rius & expulso-rius, vere promoveri possit, necesse sit, ut hoc
remedium ejusdem indolis sit, cum materia morbida ipsa:
quum non nisi *tale, additum tali reddat illud magis tales*
& consequenter materiæ, quæ in hoc ordine *remedia* es-
sent febrium, idoneæ forent, quæ etiam proprio sui usu, intra
corpus assumptæ, *excitarent* febrem. Quorum cum neutrum
ita se habeat, stat nuda imbecillitas opinionis. Alterum autem
quod attinet, redundat inde, non quidem plane novus, sed cer-
te cooritur importunior, erroneus & irritus conatus, in *praxin*
vere salutarem, medicam. Dirigitur totus impetus & ad auxili-
um concursus, simpliciter aduersus *materiam*; certe inutiliore
potius, quam vtili secundum illam Theoriam, instituto & co-
nato: Si enim *materia*, quatenus ita moleste & acriter efficax, &
ipso hoc actu, ad effectum eiectionis sui ruit, quid attinet attri-

tis eius hisce viribus, effectum illum morari? Interim major evenit clades, ex eo, quod constans praxis, omnem illam materiæ *correctionem*, peruvicacissime neget: & nisi, cum vel sine auxiliis hujus opinionis, commensurato exquisito tempore, signa sufficientia coctionis, & commensurata periodo, specimina sufficientis secretionis & excretionis (specie eadem siue cum, siue sine talibus auxiliis) succedant, non magis irrito conatu, quam toto salutari effectui. At vero, adhuc altius hæret atque sedet malum. Cur illud non ad animum reuocatur, cujus tam locuples est occasio & frequentia exemplorum, quod indies, ex irritis non modo, sed peruersis, huius intentionis ausibus, febres actu *pervertantur*; nempe in illas turbas conjiciantur, talibus artificiis, qualibus *per se* numquam se submittunt. Imo, ut elucescat veritas, quod illorum artificiorum hæc sit culpa, manifestum hoc fit ex eo, quod non solum turbæ tales, *sine* illis artificiis, pares inquam, numquam eveniant: sed etiam *sub* illis artificiis frequenter, imo positis paribus circumstantiis, ad minimum in genere, *semper*. Unde affatim liquere potest, quod opiniones tales, non in sua sphæra maneant, ut *opiniones* sint; de quo vel verbo disceptare, ipsi primi nugatorium censeremus: sed cum *praxi* scandalum, & *ægris* damnum objiciat, quis pro re silentio involvenda, ne dum consensu firmanda, declarabit? Certe vero prolixè verbis hic insistere, cum ipsæ res pro se loquantur, nullo modo prurit animus. Unde non nisi paucissimis, monemus, non tam incassum disceptandi avidos, quam inanium disceptationum Gordias tricas, per brevem manum sublaturus, ut motus vitales in corpore humano, proprio principio activo, in quod nullum jus, & cum quo nullum commercium, sit animæ humanæ, qua tali, asserentes, ingenua quæstione eo ducant, sed & in eo, presse atque arcte, teneant & contineant, ut, sed per argumenta, bonæ consequentiæ, edisserant: quæ ergo *nudis animi pathematibus*, (ut veris *entibus rationis, ratiocinantis*, sed præmaturre concludentis, & *entibus voluntatis*, juxta præmaturam æstimationem ad effectum suum ruentis,) præsentior, certior, atque nimio major, sit efficacia, in vitales motus, pulsum cordis, tonum fibrosarum partium, motum ventriculi, appetitum, coctionem, distributionem, appositionem alimenti: imo in vi,

imaginationis ad nœvos maternos præfingendos; ad ipsam *primævam* constructionem corporis. Sed caveant inanibus discursibus elabendi libertatem permittant; verum *argumenta* exigant, probanda, & connectendi atque colligendi vim exquirant. Quæ in re si satisfactum fuerit, non liberum solum, sed justum intelligent, indubium habere, quod hætenus nihil aliud, quam non modo dubium, sed certè irritum est. Quàmobrem autem, quæso, ita in utrumque latus titubatur, & inanis contentionis terra, etiam pessimis exemplis, reciprocatur? Fero conditionem, exquisitis judicibus æquisimam apparituram. Enodentur, hæc difficultates, & asseratur, ex instituto, quibus utraque hic ita, simul placent, ut alia & alii in solidum displiceant utrorumque, jus atque fas: fiat hoc autem non Syllogismis, si non placet, sed, argumentis solum: veris atque firmis rationibus stabilitis. Puto erit, quod agatur; sed compensabit laborem, & operæ pretium faciet, & animo tranquillitatem, certitudo atque evidentia rei, & subtractio activorum atque passivorum fastidiorum. Quanto vero, ut solent inania, strepitu, steriliissima hæc disceptatio, nullo jure, medica dogmata, adhuc usque diem, percellere, & qualibet aura, denuo exagitari, adfuevit; non est tamen illa *sola*, quæ seriæ salutari arti, ejusque tranquillæ atque ordinatæ institutioni, tempus atque locum, intercipiat: sed habet, partim soboles suas, partim complices, quæ transformatarum Pieridum more, Medicis musis, irrequieta interpellatione, negotium faceffant, & leves animos ab harum harmonia avocent. Physica qua talis, Anatomia operosior, Chymia, Phytographia, in suo ordine atque loco disciplinæ sunt; à nemine prudente centemnendæ. Quando vero deserta propria statione, desperato immanente aut emanante usu, medicis castris sese ingerunt, uti bona fide, & sociali fœdere, hoc temerè, & præter numerum auxiliorum imperatum, facere non decet; ita, per antiquam prudentiam, ne quidem jure societatis facere licet, ne turbæ, tumultui, seditioni, propius fiat negotium, quam castris aut ordinibus. Neque hoc umquā, authorum quidquā facient aut certe non faciunt, disciplinæ laudabiles; nisi consultores mali, domi forisque, in aliena prædia, tamquam colonias mittere, illinc suaderent, hinc excirent atq; invitarent. Qui vero atq; quales, nisi quibus magis è sua re videri potest, turbidas

das esse, quam pacatas & bene ordinatas, res civitatis suæ, publicas, e qualibus, privatis suis cupiditatibus ut satisfiat, ne sperare quidem possunt. Sed absit ut in homines hic aliquid intendere, vel velimus videri, vel possimus; de moribus loquor, & quidem nominatim, pessimo illo, primi quoque lapsus svasore, frivola curiositate. Quam indigno loco hæc habita sit, ab antiquissimis sinceriorum hominum temporibus, & practicis notum est exemplis, & orat hanc causam satis facunde atque diserte, proprio commentario, propioribus quantisper seculis, Plutarchus. Quæ præ manibus sunt res, quæ, inquam, præcipui nostri scopi, & non tam solum privati, quam publici, usus sunt, necessarii imprimis, illarum, (si quidem huc, in laxo suo atque fluxo sensu laudari amans, vocabulum, adhiberi meretur,) curiosum esse, non male convenit; aliarum, vix nisi male: sed hoc cum primarum neglectu, pessumè. Quis autem credere possit, nisi omnium rerum imperitus, deesse studio atque arti Medicæ, quo hominem, ingenio & industria præditum, assatim occupet; imo etiam satiet: &, dum ad communem reipublicæ usum dimittit, ab otio & desidia liberet. Interim, pro uti sunt indoles, si quis, præ aliis unus, ea mentis excitatæ aut exercitæ promptitudine polleat, ut quæ artis sunt, (quorsum multum confert bona methodus,) facile atque expeditè comprehendat; adeoque possit atque velit, etiam aliarum disciplinarum & scientiarum amœnitatibus, animum veluti recreare; Medica certe ars, & quicumque illam serio & fideliter colunt & sectantur, plerumque jus plenamque libertatem minime negaverit. Nec umquam hoc, sed illud unum, est, quod improbatur, si alia illa, in artem ipsam ingerantur; ad artem pertinere, imo requiri, non prima magis ordine, quam tota dignitate, esse, sine his non posse consistere medicam artem, imo nullam esse, non potest nisi gravissimæ indignationi ansam præbere, & prodendæ reipublicæ suspensionem commovere. Quid autem, obsecro, factum est, his tot, tantisque, ausibus andusibus? Num inde agnitum umquam, quale sit corpus, ad medicam considerationem, totum e fundamento, penitissimæ, imo & citissimæ, corruptioni expositum; quid sit hujus materialis unici habitus corporis oppositum, Vita, quatenus de corpore prædicatur: an oppositus hic effectus, materiali quadam ra-

tione, an solum formali, quem vocant, influxu, actionis certæ, absoluator: cui proinde præcipue invigilare, adstare, vestigia legere, suppetias ferre, subsidiaria media submittere, sit directum artis officium: an methodus & remedia, magis ad illum materialem habitum, immediate; an vero ad hunc formalem actum; mediate aut immediate, dirigere deceat, imò necesse sit: num ex alteris istis rebus, historia morborum, quatenus ad artem, nempe ejus potestatem, pertinet, locupletata est, illustrata, adjuta; & non potius turbata, nudis narrationibus passim, nec illis toties sinceræ, quoties sublesta, fidei? Num verum est, & testantur id experientiæ documenta & suffragia, quod artificiiis illis, in Pharmaciam introductis, minor fiat funerum frequentia; aut ad minimum, (cum vitæ terminum humanis erroribus permittendum, quam maxime ipse nullatenus censeam,) certius inde debellantur morbi, manifestius edomantur: solidius restituitur atque stabilitur sanitas? Num in mentem venit cuiquam, rem in se notoriam, ad animum revocare, quod, imò quot, homines, & quibus maxime modis, sine ulla externa, nedum tali, arte, & tot tentaminibus, ad temeraria usque experimenta evagantibus, sponte vincant morbos, elidant & expellant materias morbidas, & corpus suæ puritati, excussis heterogeneis, redditum obtineant? Inter quot mille, quæso, exercitationes atque disquisitiones, illud Thema, vel decies forte (siquidem toties) enucleatum est, quod peculiari ætatum periodo, proprii morbi impendeant: quoties autem illud tentatum est, ut huius rei aliqua ratio vestigaretur? quid itaque Pathologia, cum historica fidei, atque physica, veritate consentaneum, ex his rebus retulit, quod ad usum & potestatem artis transferre liceat? quotus quisque vero illud hodieque credit, nedum intelligit, multominus autem adstruit & inculcat, quod nulla consideratio, quæ res extra potestatem artis posita complectitur, medica sit, & arti proficua: Dies me potius destituat, quam desideratorum talium censum peragam. Quid vero si in causam inquiras, quamobrem hæc non discantur? Ego te interrogabo, ubi doceantur; imprimis qua decet, imo quantâ, industria, ordine, methodo, explicatione, applicatione: quantam sane præ aliis, ut fundamento huic superstruendis, præstolantur. Cur pauci hoc agant, ut hæc doceant, vel ipsos

ipſos interroga qui non faciunt; quid reſponſuros putas? occupatos eſſe; monſtrabunt & oſtendent; pro Theoria, totas cohortes curioſarum animadverſionum: pro praxi, centurias tentaminum, experimentorum, obſervationum: ſed caue, ut vel exquisitas circumſtantiàs, vel illud Diogenis exigas, quo votiva naufragorum donaria & elogia deriſit. Cavendum autem certè mihi eſt, ne curioſius hæc commemorare videar, quam utilis; de habitu ad utilitatē, audeo vades dare: de effectu, concedendum eſt Providentiæ. Dicam, Tibi NOBILISSIME CANDIDATE, quid expedire ſentiam, intelligam, expertus ſim; facile mecum facere poteris, ut facias, etiam cohortor. Noli, etiam hoc ultimo intuitu, curioſus eſſe; noli intueri, nedum examinare, quid alii agant, minime omnium autem, acta reprehendere: ne verè quidem, ne dum malignè: vide Tu, ut facias, quæ facienda ſcias, & quibus factis gaudeas. Certo gaudebis; & Deo reddes, quod ipſius eſt: ille eſt, qui vitæ atque ſanitatis ordinem, iis legibus, ea ratione conſtituit, quam veſtigare, venerari, ſectari, juſtum atque æquum ſit: corrigere, & novis inventionibus, tamquam melioribus, ſubſtituendis, aſpernari, præterquam quod irritum ſit, ſtolidum quin impium, agnoſce. Laudatus vero ſit altiſſimus, qui etiam ſub ipſis, imo prope modum ipſis, caſtigationibus ſuis, per peſtis flagrum communi patriæ immiſſum, tandem jubar ſapientiæ ſuæ illuceſcere, clementiſſimè voluit, &, ſalute ſui corporis, initia experimentorum capeſſere, paſſim jam mortalibus paterne conceſſit, quod vivida illa, ab ipſo inſtituta, vitalis Therapiæ methodus, potentior ſit, quibuslibet hominum auſibus & artificiis: imò, pro quo non minus laudandus eſt, quod artificia talia, tandem evidenter erubeſcant, damni potius, quam auxilii, non ſuſpectis testimoniis poſtulata. Unum ſupereſt, quod Tibi partim, partim de Te, dicam. Vixiſti nobiſcum per aliquot annos, artis addiſcendæ gratia. Comparuit, velle audire; audiviſti; inter alios artis Antiſtites, me, & poſſum teſtari, aſſiduus & attentus: audiviſti totum doctrinæ curſum peragentem, Tit. DN. D. ALBERTI, Profeſſ. Extr. Celeberr. Quid audiveris, ſpero ſenſiſti, praxeos exercitio ab illo tempore ſuſcepto: ſenties, ſi illis monitis & præceptis porro inſtiteris. Abſit, ut noſtra audiveris; vera audiviſſe con-

confido: si non multa, certe quæ sufficere possunt, dummodo multum audiveris. Divinæ veritatis esse debent, quæcunque usum salutarem pollicentur. Una est veritas; pauca, ex infinitis alienis, vera sunt: hæc sufficiunt. His potire, utere, fructu: sequere agricolam Euangelicum, qui deprehenso in agello thesauro, omnia sua vendidit, illum emit. Dum autem, quod unum necessarium est, ad Deum hæc refers, ab illo munificentissime auferre dabitur. Hoc age; eris tam voto meo, quam ad omne votum, Felix. Vale.

Dabam è Musæo IV. Febr.

M D C C X I V.

IN *curas* hodie propendent pectore vanas,
Torquentes multi, quæ bona sunt, Medici.
Nam Medica ars fraudum quæ nescia constitit unquam,
Nunc petit in *raris* gloriolam lepidam.
Sunt *Curæ* steriles, animos ad vana trahentes,
Affectant verum, sub lacera specie.
His *Curis* vanis quæ sit Medicina ferenda,
Tu docte monstras; utilis ecce labor!
Augiæ stabulum purgas tentamine pulchro,
Ad votum cedat, nunc precor, hæc opera,
Protegat hanc, voveo clementia Numinis almi,
Ut maneat semper, Nobilis ars Medica.

Hiscæ applaudere voluit Honoribus bene
promeritis Experientissimæ, Nobilissimæque
Domini Candidati

Michael Alberti, D.
& P. P.

